

13

國醫雜誌

中國近代
中醫藥
期刊彙編

第四輯

上海辭書出版社

13

中國近代

中醫藥

期刊彙編

中國近代
中醫藥
期刊彙編

第四輯

13

國醫雜誌

上海辭書出版社



南京中医药大学图书馆版权所有

目 録

國醫雜誌	第八期		1
國醫雜誌	第九期		75
國醫雜誌	第十期		133
國醫雜誌	第十一期		201
國醫雜誌	第十二期		275
國醫雜誌	第十三期		347
國醫雜誌	第十四期		409

上海市國醫學會

國醫雜誌

第八期

本雜誌業經國
民政府內政部
核准發給警字
第二四七一號
登記證

潘序辰題



學術上之道德條例

- (一)對於同道探討學術時不論口頭或文字均應出於和緩之詞調真誠之態度
- (二)學術固無國界略域之分融會新知亦固所宜但僅襲外人皮毛卽自詡爲國醫科學化反失國醫之真理

(一)非國醫原有之病名慎勿輕言致遭咎戾

(一)解說病理固不必泥拘古書但不可炫奇立異

(一)對於國醫未有深切之研究與經驗未可妄談改革

(一)勿作虛偽之證明勿作誇大之宣傳

(一)在非醫界友人或病家之前不宜妄評他人以炫己長

(一)遇有不洽己意之藥方儘可報告本會以資討論不得貿然指謫

(一)凡遇有特別心得及奇效驗方卽應公開俾得播遠傳久而免湮沒

(一)不宜輕刊書報致墮國醫信譽

(按)本條例已於第十二屆執監委員會第四次聯席會議通過

國醫雜誌第八期目錄

專著

診餘集

余鴻孫錄

1

四明宋博川先生產科全書

馮紹蓮錄

11

學說

太陽病之研究

李健頤

21

痢疾賦

張澤霖錄

24

氣化與微生物

一塵錄

26

人年四十而陰氣自半義

楊野鶴

27

喜則氣緩

孫家驥

28

方劑

炙甘草湯方解

余鴻仁

29

桂枝去桂加茯苓白朮湯之研究

謝安之

31

五苓散之利小便與治渴

管吉餘

35

介紹欄

36

筆記

臨診錄

黃燭匡

37

春溫發瘧治驗

王行三

40

臨診治驗筆記

季廷枳

41

醫案

澄齋醫案

謝利恆

43

李氏駢文醫案

李卓英

46

藥物

人參之研究

張益謙

49

葛根之功用

謝安之

52

科學化之中國藥方

陳乾元

53

來件

國醫應化驗藥物另編新本草

張益謙

55

現代國醫之危機

俞同芳

56

半女子受胎的時期

迭名

58

會務記載

59
68

出 售

中 醫 雜 誌

上海西馬路中國醫學會發行部
會址 西門內南石皮弄

中醫雜誌

內容分專著、學說、筆記、藥物學、醫案、驗方等欄、取材豐富。說理透暢。不尙空談。


。出版以來。銷行海內外。爲遐邇所傳誦。現自第十五期起至卅期止。除廿八期售盡外。餘均存有。每期實售大洋二角。寄費加一。郵票代洋九五折扣。以一分至一角爲限。出滿卅期時。因上海中醫學會改組。暫行停刊。現上海市國醫學會組織健全。改爲國醫雜誌。繼續刊行。按季月出版一冊。代售處上海白克路西祥康里二弄七十七號中國醫藥書局

附售 中醫雜誌單本、因裝置關係、封面略有污損、每十冊裝一包、實價一元、期數參差、冊數不缺、購者只能擇取一包、於每包拆開後單本雜誌不能掉換

中醫雜誌五八彙選

單本雜誌售盡無餘。將原稿重行編選。再版出

書。內容除舊稿外。並加入新稿多編。計出一至四期彙選、五至八期彙選兩種。一四彙選已無存書。五八彙選尙未售盡。實價一元。寄加一。郵票代洋九五折扣。以一分至一角爲限。代售處上海白克路西祥康里七十七號中國醫藥書局



診餘集(續)

余聽鴻著 孫鴻孫錄

■崇病

常熟北門外抓扒灣。李姓婦先因風濕。被某醫進以枳朴檳榔之類。燥藥傷陰。神識昏憤。耳聾煩燥邀余診之。進以甘涼鹹寒存陰。芳香開泄。服三劑神識已消。病已退。忽病人曰卽速做道場。我等無暇在此等候。語畢卽神昏不醒。忽然喜笑怒罵。或舌伸口外。或齒齧如食炒豆。或高聲謳歌。或細語唧唧。千態萬狀。按其脈。則乍大乍小。余曰此崇病也。先以鬼箭羽硃砂降香焚之。後以至寶丹一粒。蘇合香丸一粒。化菖蒲鬱金汁調灌。盡劑。神識方醒。病若失。所以陽虛則陰氣邪崇。乘虛憑之。內經立鬼牀鬼哭等穴。未必子虛也。

■遊魂

龐金時部曹之夫人屈氏。述昔時病久神虛。魂常離散。不得歸舍。有日因其姑開帟。自覺房中飄然而出。至廳堂盤桓。廳中寂靜無人。所懸輓章輓聯。細細讀之。歸房始覺身臥於牀。所讀輓章輓聯。仍歷歷在目。以筆默之。一無差誤。夫魂者陽氣之精。正虛不能斂陽。神浮

於外。不克內守。經曰。神去則死。若此魂不歸。則成脫症矣。

■子痢

常熟寺前街李吉甫先生夫人。妊娠七日。痢下紅白。他醫治以利濕清熱分消。痢更甚。腸滑後重。一日夜百餘度。裴菊村前輩診之。意欲治以補中益氣湯。恐升提胎元。欲用溫補。又恐胎前忌熱。左右躊躇。邀余合診。脈滑利而少力。腹中氣機濕滯已通。舌絳滑無胎。頭眩耳鳴。虛熱。余曰。治病不在胎前產後。有病則病當之。內經云。陷者舉之。當用升提。脫者固之。當用通套利濕之方。恐胎元滑脫矣。擬補中益氣法。重用參朮。輕用升柴。再以木瓜、肉蓯、煨姜、升提溫瀉。服數劑略稀。余曰。滑脫太甚。非堵截之法不可。卽以參附湯調赤石脂末。仍服前方。見其舌紅漸漸轉白。舌燥轉潤。余曰清陽已經上升。而能布津於上矣。痢勢漸減。再以五味子。木瓜、乾姜等末。和赤石脂飯糊爲丸。每日用附子一錢。高麗參三錢。煎汁送丸四錢。服藥三十餘劑。每日痢下仍有十餘次。胃氣亦甦。分娩時母子俱全。然痢尚有六七次。再服異功參苓白朮等收功。吉甫曰。此兒定然熱體矣。余曰。母子同氣。豈有能服熱藥之寒體。而子乃爲熱體乎。此兒三四歲時有痰哮喘病非溫不宜。母子同氣之言。洵不謬也。

■胞阻

常熟長田岸某姓婦。妊娠四日。小溲點滴不通。某婦科進以鮮生地龍胆草青麟丸等寒涼之品

國 醫 雜 誌

。小洩秘之更甚。已有三日，余診其脈。沈細而濡。小腹脹痛。余曰此胞阻也。被寒涼凝滯膀胱。無陽不能化氣而出。即將葱二斤。煎水熨洗小腹。略能小便。即進五苓散。桂枝一錢。猪苓赤苓各二錢。澤瀉二錢。白朮二錢。研粗末。煎沸瀝清飲之。仍不能通暢。而腹痛稍減。將前方去桂枝易肉桂一錢。服法依前。服後小便大暢而愈。如曰胎前忌熱。當用寒涼。殺人如反掌矣。

■胞壓膀胱

常熟花園浜王姓婦。妊娠九月。胞漿水已破之後。腹痛漿水瀝盡。小洩不通已有三日。小腹不動。穩婆謂胎死腹中。或欲試手法。或欲下死胎方。邀余診之。見產婦神情恬淡。並無所苦。唇舌均紅。使穩婆按其小腹。溫而不寒。脈來流利。軟而無力。診畢。穩婆問腹中小兒能保全否。余曰腹中小兒。酣睡未醒。穩婆曰。何以不動。余曰。因睡而未醒。故不動也。主人曰。腹痛三日。小便不通。小孩不動。恐胎已死矣。請先生一斷之。余曰此名胎壓膀胱。此方書所不載。必定是負重。或跌仆而損胎元。又因坐蓐太早。氣掙於下。胞壓膀胱。小洩不能出。洩阻而脹。兼之胎元下墜。兩相擠軋。不能轉動。如果子死當唇紅舌黑。小腹作冷。按脈未離經。未至臨產之時。胎元斷斷不死。即問產婦曾否有負重跌仆之事。婦曰。三日前。因有安息香二枝在地。俯之不能拾。乃跪而拾之。起時胞漿已破。余曰。胞壓膀胱無疑矣。可先將燈草刺鼻中。令產婦噴嚏。嚏則肺氣開。上竅通。則下竅泄。而小便可通。再

國

吸洋煙三筒。將其胎提起。以免擠軋子門。小便通後。可讓出地面。使小兒可以轉身。臨盆卽不難矣。問服何藥。余曰。不須服藥。主人曰。可服催生藥否。余乃進以胃苓湯。加蘇梗利水行氣而已。噴嚏之後。吸洋煙三筒。果然小便通暢。藥將沾唇。小兒已下矣。若依穩婆手法。或服下死胎方。母子豈能保全。主人曰。君之催生方極靈。將來可傳之於人。余曰。胃苓湯是受濕泄瀉之方。作催生方誤事不小。其功不在藥。而在燈草洋煙耳。

■胎前吐瀉

醫

常熟支塘邵聿修先生。余忘年友也。醫道識見心思超人一等。而喜景岳醫通兩書。偏於甘溫。其生平爲人。性直氣爽。不談人短。不攻同道。不恃己才。不恥下問。深可敬也。余每過之。作長夜談。娓娓不倦。余有過。彼戒之。余有善。彼讚之。天不永其壽。喪我良友。余深惜之。前在范虞亭處會診。與余論醫。謂治病貴乎鎮靜。不可輕投藥石。治孕婦之病。尤宜加慎。前老妻妊娠七日。忽起吐瀉。腹脹不堪。舉家驚惶。卽請穩婆。有曰欲小產矣。有曰欲坐草矣。有曰尙未及時。言語雜亂。余診其脈。尙未離經。痛在胃脘當臍。並不在少腹。而腰亦不痛。令衆人不必擾亂。且與洋煙吸三四筒。妊婦已醉。倦而酣睡。使人皆出房。聽其安眠。至明午始醒。而諸恙霍然矣。過二月。舉一男。今已十一歲矣。故妊娠有病。斷不可雜藥亂投也。

誌

雜

■滑胎

國

醫

雜

誌

余在師處。見一施姓婦。年未三旬。每受妊至三月卽小產。已經三次。是年受孕近三月。恐其又滑就診吾師。此婦面色晄白面略兼青色。口淡不渴。飲食不能尅化。脈細濡而形寒。吾師進以附桂八味湯。服十餘劑。面色稍紅。飲食稍進。謂其夫曰。不必服藥。惟每日服附桂八味丸三錢。服至臨產。自然母子俱安。後果無恙。余問師曰。方書所載。胎前忌熱。產後忌涼。胎前忌洩。產後忌補。何以此婦胎前反多服熱藥。師曰。譬如瓜菓結實。貴在天氣溫和。人之養胎。亦貴陽陰調和。人之體熱。火旺而滑胎者。如瓜菓方結。曝日亢旱。雨露少滋。自然葉萎而果落。故宜用涼藥以潤之。使熱去而果自可保。寒體滑胎。如花後結果。陰雨月久。天氣寒涼。無陽和之氣。果亦不克長成。故服熱藥。使其陽舒發。陰寒去而果乃可保。若拘於成書而治病。卽無從下手矣。况安胎本無成方。熱者清之。寒者溫之。氣血不足者固之補之。氣血有餘者理之和之。所謂大匠誨人。能與規矩。不能使人巧也。

產後咳嗽

常熟大東門外萬興祥茶葉舖執事。胡少田先生之妻。素未生育。三十九歲。始有娠。懷孕七月。始則咳嗽。繼則下痢。初則不以爲意。臨產頗難。產下未育。心中悵鬱。肝木乘脾。咳嗽下痢更甚。邀余診之。余曰。雖云新產。年近四旬。氣血本弱。况產前咳嗽本屬土不生金。子反盜母氣。脾胃反虛。清氣下陷。轉而爲痢。咳已有三月。又兼新產。名曰重虛。若多服益母草等味。再破血傷陰。內經所謂損其不足。且有無虛虛。無盛盛之戒。余進以十全大

國

醫

雜

誌

補湯。去桂枝加枸杞、兔絲、杜仲、飴糖等味。衆曰：產後忌補。斷斷不可。余曰：放心服之。如有差矣。余任其咎。服後當夜咳嗽均減。明日再進。其姑曰：產後補劑。勝於鴆毒。必致殞命。余謂少田曰：卽令堂不信，君可另請婦科開方。暗中仍服補藥。免得婦女多言。使產婦吃驚。同道董明剛曰：此計甚善。余卽回城。託明剛依計而行。余回寓。使人贈少田人參二枝曰：不服人參。下焦之氣不能固攝。少田卽煎人參與服。其母知之。執持不可。後將達生編與衆人閱看。產後並不忌補。其母始信。服後安然無恙。後再服數劑。咳嗽均愈。此症若泥於產後忌補。或惑於婦人之言。冷眼旁觀。以徇人情。免受人謗。將何以報少田之知己乎。然產後服人參敗事者。亦復不少。惟藥不論補瀉。貴乎中病。斯言近之矣。

□產後中暑

昭文幕友張筱洲之妻。生產正在酷暑。新產兩朝。猝然神昏顛倒。言語錯亂。余診之。見喘息氣粗。脈洪數極大。汗出如珠。口渴煩燥。余曰：此乃熱中於裏。逼陰外出。而大汗。仲景白虎症也。卽將席置地上。令產婦臥於地。用盆置井水於傍。使其安臥片時。神識漸消。氣亦漸平。脈亦稍靜。卽擬仲景白虎合竹皮竹葉之意。進以石膏、竹茹、竹葉、知母、白薇、鮮石斛、益元散、綠豆衣、丹皮、花粉、薄荷葉、西瓜翠衣、甘蔗、大隊甘寒之品。服後至晡。神清熱減。仍令其移臥於床。進以稀粥。仍以甘涼之劑調理而愈。若拘於產後不可見風。不得服藥。此症豈能挽回。琴地風俗。新產之後。往往窗戶密閉。幃幙重遮。酷暑不異

嚴寒。以致產後汗多傷陰。而變爲鬱冒瘧厥者。或竟有觸穢中熱而死者。不亦大可異哉。

產後氣脫

辛卯冬。余至五渠夏宅診脈。回至舟中。有陸二官者。余之僕也。其妻追至舟中。云家中姪媳病重。欲邀余診。余因有別事不能逗留。陸二夫婦匆匆回家。余亦反掉。已去里許。余在舟中忖之。看陸二夫婦驚惶失色。必病勢危急。若袖手不救。於心何忍。即停舟步行至其家。見其家中聚集多人。病人勢已臨危。余即問其病情。因孖胎難產。去血過多。氣脫矣。余即診其脈已絕。目瞪直視。牙關緊閉。用火刀撬之。舌唇色白。面色如紙。肢體俱冷。余即將艾葉灸其小足指外兩炷。稍能伸縮。余曰未必竟死。此乃氣隨血脫也。若不急救。三四時必氣絕矣。用黃耆四兩。當歸二兩。炒棗仁三兩。煨牡蠣四兩。煨龍骨一兩。炙甘草三錢。炒淮麥三錢。紅棗三兩。炒白芍六錢。桂枝錢半。桂圓肉二兩。茯神二兩。黨參四兩。給其藥資一元。將大罐煎沸以氣薰其鼻。頻頻灌之再添水煎。再薰再灌共服十餘碗。肢體漸漸轉熱四更始醒。此症若從市醫產後忌補。聊將生化湯塞責必死無疑。余之親歷產後。每每當補宜速補。決不敢因循誤事。以致不救。

產後血脫

常熟塔前。高姓婦。十一月二十九日生產。至十二月朔下血甚多。請王姓醫治之。進以當歸杏仁冬瓜子等。又方加以肉桂。初五邀余診之。脈芤而無力。面色晄白。唇舌俱白。毫無華

國

醫

雜

誌

色。神氣疲乏已極。口唇掣動。余診之曰。此氣隨血脫。血虛則內風煽動。宜遵血脫先固氣之法。非大補不可。立方黨參一兩。黃耆一兩。枸杞一兩。當歸三錢。白芍二錢。桂枝五分。炙草六分。龍骨三錢。棗仁五錢。茯神三錢。紅棗十枚。桂圓肉十粒。服後神氣略清。精神漸振。照方減半。又服二劑。惟小便自遺。大便不更。此係神氣不固。血液虧損。津液不能敷布大腸。又改方淡滌蓉三錢。杜仲三錢。杞子五錢。潼沙苑三錢。白芍二錢。兔絲子三錢。蒲黃炒阿膠二錢。紅棗五枚。桂圓肉六枚。服後小便遺止。大便已通。後服和營理氣調養肝腎而痊。俗云產後忌補不可執一而論也。

■產後血暈

常熟吳恆和茶鋪老太太云。其年輕時。產後必要血暈。連生數胎皆然。諸方中惟蘇木煎汁。沖入陳酒童便服之爲妙。因已親試。故囑余誌之。

■產後洩難

徐漢泉妻新產後。小洩濇少而艱難。邀數醫治之俱罔效。後請江陰周姓醫。進以五苓加通草瞿麥之類。服後小便頻數而極少。一夜數十行。出如箭速。而子門如烙。熱痛非常。發熱口渴。煩燥。病勢甚危。邀余診之。余曰。仲景云。產後小洩少者無血也。若以淡滲苦洩。更傷其陰液。則小便更少。而熱更甚。急養其陰。自然洩長。而虛陽亦潛。進復脈增液合導赤湯法。生地一兩。麥冬五錢。玄參四錢。阿膠三錢。天冬二錢。石斛五錢。生草梢一錢。生

國

醫

雜

誌

牡蠣一兩。生龜板一兩。西洋參二錢。煎濃汁飲之。小洩漸止。煩燥發熱漸安。服三劑熱痛已平。小洩清長。後服甘涼鹹寒十餘劑而愈。所以產後溫邪熱病。傷陰劫液。以致水源竭涸。爲醫者又復用淡滲利水。何異操刀殺人乎。臨症時。原宜留意焉。

血分

常熟早北門吳姓女。十九歲。經停四月餘。飲食如常。脈亦不濇。肌肉不削。不內熱。不咳嗽。其父恐停經而成乾血。余曰。飲食如常。肌肉不削。少腹脹硬。此乃水寒與血。互相膠結於血室之中。若不趁其正氣旺時攻之。待至日久。正虛難以再攻。卽以瞿麥桃仁紅花之類罔效。再以歸尾紅花肉桂山稜莪朮延胡五靈炮姜桃仁等品。服百餘劑不效。自六月至十月。少腹漸硬。諸藥不效。至十二月。余適回孟河度歲。請某姓婦科服以四物等湯。恐其血虛經不能濟。先善其血。少腹更硬。又延某醫治之。曰被某破血太甚。急宜補之。進以四君補中益氣之類。少腹仍然。二月余回琴。仍邀余診。少腹脹硬。令其母捫之。其冷如冰。痛不可言。肢冷面青。余曰。水與血互結血室。下之亦死。不下亦死。既是血虛。豈有服山稜莪朮歸尾桃仁等百餘劑。而不死者耶。余卽進桃核承氣湯。大黃四錢。桂枝一錢。炙草一錢。芒硝二錢。桃仁三錢。陳酒和水煎分三次服。初次服下。小便中卽下黃膩水。連服三次。連下三次。腹痛稍緩。神氣極疲。少腹稍軟。明晨余恐其過下氣脫。卽進以滑血理氣之品。血仍不下。腹痛更甚。再進以桃仁承氣湯送下抵當丸。不料腿痛欲厥。卽以艾葉煎湯洗熨少腹。